



**Museo
do Pobo
Galego**



**instituto de
estudos das
identidades**

Rapaza, ti e-lo demo
 que me andas atentando,
 sean ríos, sean fuentes
 /:siempre t´encuentro lavando:/
 Ai la le lo...

Se mo diches non mo deras
 qu´eu pedir non cho pedín-he
 díchesllo a quen quixeches
 /:quéresmo cobrar a min-he:/
 Ai lo le lo...

Rapaza, ti té-lo virgho
 ben che s´ha de conocer-e
 cando te deites na cama
 /:toda t´has d´estromecere:/.
 Ai lo le lo...

E dálle d´aquí
 e dálle d´alí
 debaixo das mantas
 /:por riba de tí (x3),
 e dálle d´aquí
 e dálle d´alí.

/:Axúdame a cantar-e:/
 desta miña gargantiña
 /:eu non me pod´axudar-e:/
 Ai lo le lo, ai lo le lo...

Carballeira de San Xusto,
 carballeira derramada,
 naquela carballeiriña
 /:perdín a miña navalla:/.
 Ai lo le lo, ai lo le lo...

O paxaro cando chove
 met´o rabo na silveira,
 así fai a boa moza
 /:cando non tén quen a queira:/
 Ai lo le lo...